

西
湖
夢
尋

西湖夢尋卷二

鐸式信

古劒蝶菴張

岱著纂男

鐸式龍繡軒

山陰曲轅王雨謙評定

鐸式貞

西湖西路

玉泉寺

玉泉寺爲故淨空院南齊建元中僧曇起說法于此
龍王來聽爲之撫掌出泉遂建龍王祠晉天福三年
始建淨空院於泉左宋理宗書玉泉淨空院額祠前
有池畝許泉白如玉水望澄明淵無潛甲中有五色

魚百餘尾投以餅餌則奮鬐鼓鬣攫奪盤旋大有情
致泉底有孔出氣如橐籥是卽神龍泉穴又有細雨
泉晴天水面如雨點不解其故泉出可溉田四千畝
近者曰鮑家田吳越王相鮑慶臣采地也萬曆二十
八年司禮孫東瀛於池畔改建大士樓居春時遊人
甚衆各攜果餌到寺觀魚餵飼之多魚皆饜飫較之
放生池則侏儒飽欲死矣

金堡玉泉寺詩○在昔南齊時說法有曇起天花墮
碧空神龍聽法語撫掌一讚歎出泉成白乳澄潔

夏空明寒涼却酷暑石破起冬雷天驚逗秋雨如
何烈日中水紋如碎羽言有索籥聲氣孔在泉底
內多海大魚猱猱數百尾餅餌驟然投要遮全振
旅見食卽忘生無怪盜賊聚

集慶寺

九里松唐刺史袁仁敬植松以達天竺凡九里左右
各三行每行相去八九尺蒼翠夾道藤蘿冒塗走其
下者人面皆綠行里許有集慶寺乃宋理宗所愛閭
妃功德院也淳祐十一年建造閭妃鄞縣人以妖豔

理宗亦未
有巾幗
氣安得不
惜光閭妃
面皮

此奇論頭
正亦亂人
雅胃

專寵後宮寺額皆御書巧麗冠于諸刹經始時望青
採斫勲舊不保鞭笞追逮擾及雞豚時有人書法堂
鼓云淨慈靈隱三天竺不及閭妃好面皮理宗深恨
之大索不得此寺至今有理宗御容兩軸六陵旣掘
冬青不生而帝之遺像竟托閭妃之面皮以存何可
輕誚也元季燬明洪武二十七年重建

張京元九里松小記○九里松者僅見一株兩株如
飛龍劈空雄古奇偉想當年萬綠參天松風殷壯
於錢塘潮今已化爲烏有更千百歲桑田滄海恐

北高峰頭有螺蚌殼矣安問樹有無哉

陳玄暉集慶寺詩○玉鈎斜內一閭妃姓氏猶傳真
足奇宮嬪若非能佞佛御容焉得在招提○布地
黃金出紫薇官家不若一閭妃江南賦稅憑誰用
日縱平章恣水嬉○開荒築土建壇壝功德巍巍
在石碑集慶猶存宮殿毀面皮真箇屬閭妃○昔
日曾傳九里松後聞建寺一朝空放生自出羅禽
鳥聽信閭黎說有功

飛來峰

於游覽中
爲才士說
法益信哉
身家何

飛來峰稜層剝透嵌空玲瓏是米顛袖中一塊奇石
使有石癖者見之必具袍笏下拜不敢以稱位簡褻
只以石丈呼之也深恨楊髡徧體俱鑿佛像羅漢世
尊櫛比皆是如西子以花豔之膚瑩白之體刺作臺
池鳥獸乃以黔墨塗之也奇格天成妄遭錐鑿思之
骨痛翻恨其不匿影西方輕出靈鷲受人戮辱亦猶
士君子生不逢時不束身隱遁以才華傑出反受摧
殘郭璞禰衡並受此慘矣慧理一歎謂其何事飛來
蓋痛之也亦惜之也且楊髡沿溪所刻羅漢皆貌已

真千古快
事記者特
為提出真
是筆底風
雷迫擊當
一部陽秋

像騎獅騎象侍女皆裸體獻花不一而足田公汝成
錐碎其一余少年讀書岫嶠亦碎其一聞楊髡當日
住德藏寺專發古塚喜與殭屍淫媾知寺後有來提
舉夫人與陸左丞化女皆以色夭用水銀灌殮楊命
發其塚有僧真諦者性駸鸇為寺中樵汲聞之大怒
噪呼詬誶主僧懼禍鎖禁之及五鼓楊髡起趣衆發
掘真諦踰垣而出抽韋馱木杵奮擊楊髡裂其腦蓋
從人救護無不被傷但見真諦於衆中跳躍每踰尋
丈若隼撇虎騰飛捷非人力可到一時燈炬皆滅擾

鋤畚插都被段壞楊髭大懼謂是韋馱顯聖不敢往
發率衆遽去亦不敢問此僧也洵爲山靈吐氣

袁宏道飛來峰小記○湖上諸峰當以飛來峰爲第
一峰石踰數十丈而蒼翠玉立渴虎奔蛻不足爲
其怒也神呼鬼立不足爲其怪也秋水暮煙不足
爲其色也顛書吳画不足爲其變幻詰曲也石上
多異木不假土壤根生石外前後大小洞四五窅
窅通明溜乳作花若刻若鏤壁間佛像皆楊髭所
爲如美人面上癢痕奇醜可厭余前後登飛來者

此三語是
真靈峰之
詩要知千
萬語莫盡
此峰奧妙
石公二詩
正以不作
爲高

五初次與黃道元方子公同登單衫短後直窮蓮
花峰頂每遇一石無不發狂大叫次與王聞溪同
登次爲陶石黃周海門次爲王靜虛陶石黃兄弟
次爲魯休寧每遊一次輒思作一詩卒不可得
又戲題飛來峰詩○試問飛來峰未飛在何處人
世多少塵何事飛不去高古而鮮妍楊班不能賦
○白玉簇其顛青蓮借其色惟有虛空心一片描
不得平生梅道人丹青如不識

張岱飛來峰詩○石原無此理變幻自成形天巧疑

二語靈欲
動矣恐作
者筆亦飛
去

經鑿神功不受型搜空或洛水開關必雷霆應悔
輕飛至無端遭巨靈○石意猶思動躩踞勢若撐
鬼工穿曲折兒戲斲瓏玲深入管三窟蠻開倩五
丁飛來或飛去防爾爲身輕

冷泉亭

冷泉亭在靈隱寺山門之左丹垣綠樹翳映陰森亭
對峭壁一泓冷然淒清入耳亭後西果十餘株大皆
合抱冷颼暗樾徧體清涼秋初果熟大若櫻桃破苞
食之色如蜜珀香若蓮房天啓甲子余讀書岵嶼山

神寺語常
細思之

房寺僧取作清供余謂雞頭實無其鬆脆鮮胡桃遜
其甘芳也夏月乘涼移枕簟就亭中臥月澗流淙淙
絲竹並作張公亮聽此水聲吟林丹山詩流出西湖
載歌舞回頭不似在山時言此水聲帶金石已先作
歌舞聲矣不入西湖安入乎余嘗謂住西湖之人無
人不帶歌舞無山不帶歌舞無水不帶歌舞脂粉紈
綺卽邛婦山僧亦所不免因憶眉公之言曰西湖有
名山無處士有古剎無高僧有紅粉無佳人有花朝
無月夕曹娥雪亦有詩嘲之曰燒鵝羊肉石灰湯先

月黑者滿
之坡公已
一語得之

到湖心次岳王斜日未曛客未醉齊拋明月進錢塘
余在西湖多在湖船作寓夜夜見湖上之月而今又
避囂靈隱夜坐冷泉亭又夜夜對山間之月何福消
受余故謂西湖幽賞無過東坡亦未免遇夜入城而
深山清寂皓月空明枕石漱流臥醒花影除林和靖
李岵嘯之外亦不見有多人矣卽慧理賓王亦不許
其同在臥次

袁宏道冷泉亭小記○靈隱寺在北高峰下寺最奇
勝門景尤好由飛來峰至冷泉亭一帶澗水溜玉

冷泉亭編
寫得熱趣
津

畫壁流香是山之極勝處亭在山門外常讀樂天
記有云亭在山下水中寺西南隅高不倍尋廣不
累丈撮奇搜勝物無遁形春之日草薰木欣可以
導和納粹夏之日風冷泉停可以蠲煩析醒山樹
爲蓋巖谷爲屏雲從棟出水與階平坐而翫之可
濯足于牀下臥而狎之可坐釣於枕上潺湲潔澈
甘粹柔滑眼目之囂心舌之垢不待盥滌見輒除
去觀此亭記當在水中今依澗而立澗澗不丈餘
無可置亭者然則冷泉之景比舊蓋減十分之七

矣

靈隱寺

明季昭慶寺火未幾而靈隱寺火未幾而上天竺又火三大寺相繼而燬是時唯具德和尚爲靈隱住持不數年而靈隱蚤成蓋靈隱自晉咸和元年僧慧理建山門區曰景勝覺場相傳葛洪所書寺有石墻四錢武肅王所建宋景德四年改景德靈隱禪寺元至正三年燬明洪武初再建改靈隱寺宣德七年僧曇續建山門良玠建大殿殿中有拜石長丈餘有花卉

鱗甲之文工巧如画正統十一年珰理建直指堂堂額為張卽之所書隆慶三年燬萬曆十二年僧如通重建二十八年司禮監孫隆重修至崇禎十三年又燬具和尚查如通舊籍所費八萬今計工料當倍之具和尚慘澹經營咄嗟立辦其因緣之大恐蓮池金粟所不能逮也具和尚為余族弟丁酉歲余往候之則大殿方丈尚未起工然東邊一帶閤閣精藍凡九進客房僧舍百什餘間几藤牀鋪陳器皿皆不移而具香積廚中初鑄三大銅鍋鍋中煮米三擔可食

異怪事
集印讓
訴飢數米
而與者不
可得矣
卷記其或
毛記其終

千人具和尚指鍋示余曰此第十餘年來所拚家計也飯僧之衆亦諸刹所無午間方陪余齋見有沙彌持赫蹏送看不知何事第對沙彌曰命庫頭開倉沙彌去及余飯後出寺門見有千餘人蜂擁而來肩上有布袋貯米五斗齊至倉前庫頭掣數袋斛之五百擔米頃刻上廩斗斛無數忽然竟去余問和尚和尚曰此丹陽施主某歲致米五百擔水脚挑錢纖悉自備不許飲常住勺水七年於此矣余爲嚙歎因問大毀何時可成和尚對以明年六月爲第六十法子萬

浩落
若無人
起游天際
讀此詩如

人人餽十金可得十萬則吾事濟矣踰三年而大殿
方丈俱落成焉余作詩以記其盛

張岱壽具和尚并賀大殿落成詩○飛來石上白猿
立石自呼猿猿應石具德和尚行腳來山鬼啾啾
寺前泣生公叱石同叱羊沙飛石走山奔忙驅使
萬靈皆辟易火龍爲之開洪荒正德初年有簿對
八萬今當增二倍談笑之間事已成和尚功德可
思議黃金大地破慳貪聚木成丘粟若山萬人圍
簇如蜂蟻和尚植杖意自閒余見催科只數貫縣

後當空而
後洪鍾便
今陡然起
悟

官敲朴加煅煉白糧升合尚怒呼如抵如京不盈
半憶昔訪師坐法堂赫蹏數寸來丹陽和尚穀色
不易動第令侍者開倉場去不移時階凡亂白粲
馱來五百擔上倉斗斛寂無聲千百人夫傾刻散
米不追呼人不繫送到座前猶屏氣公侯福德將
相才羅漢神通菩薩慧如此工程非戲謔向師頌
之師不諾但言佛自有因緣老僧只怕因果錯余
自聞言請受記阿難本是如來弟與師同住五百
年挾取飛來復飛去

王六妙画

山鐘一聯
享得閻仙
之名

張祐靈隱寺詩○峰巒開一掌朱檻幾環延佛地花
分界僧房竹引泉五更樓下月十里郭中煙後塢
聳亭後前山橫閣前溪沙涵水靜洞石點苔鮮好
是呼猿父西巖深響連

賈島靈隱寺詩○峰前峰後寺新秋絕頂高牕見沃
洲人在定中聞蟋蟀鶴于棲處挂獼猴山鐘夜度
空江水汀月寒生古石樓心欲懸帆身未逸謝公
此地昔曾遊

周詩靈隱寺詩○靈隱何年寺青山向此開礪流元

不斷峰石自飛來樹覆空王苑花藏大士臺
冥有玄度莫遣夕陽催

北高峰

北高峰在靈隱寺後石磴數百級曲折三十六灣上有華光廟以祀五聖山半有馬明王廟春日祈蚕者咸往焉峰頂浮屠七級唐天寶中建會昌中燬錢武肅王修復之宋咸淳七年復燬此地羣山屏遶湖水鏡涵由上視下歌舫漁舟若鷗鳬出沒煙波遠而益微僅覩其影西望羅刹江若足練新濯遙接海色茫

茫無際張公亮有句江氣白分海氣合吳山青盡越
山來詩中有画郡城正值江潮之間委蛇曲折左右
映帶屋宇鱗次竹木雲蓊鬱蔥蔥鳳舞龍盤真有
王氣蓬勃山麓有無着禪師塏師名文喜唐肅宗時
人也瘞骨于此韓侂冑取爲葬地啓其塏有陶龕焉
容色如生髮坐至肩指爪盤屈遶身舍利數百粒三
日不壞竟茶毘之

蘇軾遊靈隱高峰塏詩○言遊高峰塏葺食始野裝
火雲秋未衰及此初旦涼霧霏巖谷暗日出艸木

香嘉我同來人又便雲水鄉相勸小舉足前路高
且長古松攀龍蛇怪石坐牛羊漸聞鐘磬音飛鳥
皆下翔入門空無有雲海浩茫茫惟見聾道人老
病時絕糧問年笑不啻但指穴梨牀心知不復來
欲歸更徬徨贈別畱疋布今歲天早霜

韜光菴

韜光菴在靈隱寺右之半山韜光禪師建師蜀人唐
太宗時辭其師出遊師囑之曰遇天可畱逢巢卽止
師遊靈隱山巢溝塢值白樂天守郡悟曰吾師命之

矣遂卓錫焉樂天聞之遂與爲友題其堂曰法安內
有金蓮池烹茗井壁間有趙閱道蘇子瞻題名菴之
右爲呂純陽殿萬曆十二年建叅政郭子章爲之記
駱賓王亡命爲僧匿跡寺中宋之問自謫所還至江
南偶宿于此夜月極明之問在長廊索句吟曰驚嶺
鬱岵堯龍宮鎖寂寥後句未屬思索良苦有老僧點
長明燈問曰少年夜不寐而吟諷甚苦何耶之問曰
適欲題此寺得上聯而下句不屬僧請吟上句宋誦
之老僧曰何不云樓觀滄海日門對浙江潮之問愕

便來詩之
入妙者非
身至其地
與論其世
作極口稱
貴談味作
者之志與
新味之質
也

然訝其道麗遂續終篇遲明訪之老僧不復見矣有
知者曰此駱賓王也

袁宏道韜光菴小記○韜光在山之腰出靈隱後二
三里路徑甚可愛古木婆娑州香泉淅淅之聲
四分五絡達于山廚菴內望錢塘江浪紋可數余
始入靈隱疑宋之問詩不似意古人取景或亦如
近代詞客拈拾帮湊及登韜光始知滄海浙江捫
蘿剡木數語字字入畫古人真不可及已宿韜光
之次日余與石蕢子公同登北高峰絕頂而下

伯五先生
得南華之
神此記字
字從此中
烹煉出來
印視聽二
句已存子
休全部

張京元韜光菴小記○韜光菴在靈鷲後鳥道蛇盤
一步一喘至菴入坐一小室峭壁如削泉出石罅
匯為池蓄金魚數頭低牕曲檻相向啜茗真有武
陵世外之想

蕭士瑋韜光菴小記○初二雨中上韜光菴霧樹相
引風煙披薄木末飛流江懸海挂倦時踞石而坐
倚竹而息大都山之姿態得樹而妍山之骨格得
石而蒼山之管衛得水而活惟韜光道中能全有
之初至靈隱求所謂樓觀滄海日門對浙江潮竟

無所有至韜光丁丁在吾目中矣白太傅碑可讀
雨中泉可聽恨僧少可語耳枕上沸波竟夜不息
視聽幽獨喧極反寂益信般若無哀樂也

姚肇和自韜光登北高峰詩○高峰千仞玉嶙峋石
磴攀躋翠藹分一路松風長帶雨半空嵐氣自成
雲上方樓閣參差見下界笙歌遠近聞誰似當年
蘇內翰登臨處處有遺文

白居易招韜光禪師詩○白屋炊香飯葷羶不入家
濾泉澄葛粉洗手摘藤花青菜除黃葉紅薑帶紫

芽命師相伴食齋罷一甌茶

韜光禪師會白太守詩○山僧野性愛林泉每向巖
阿倚石眠不解栽松陪玉勒惟能引水種青蓮白
雲乍可來青嶂明月難教下碧天城市不能飛錫
至恐妨鶯囀翠樓前

楊蟠韜光菴詩○寂寂堦前草春深鹿自畊老僧垂
白髮山下不知名

王思任韜光菴詩○雲老天窮結數楹濤呼萬壑盡
松聲鳥來佛座施花去泉入僧廚澆菜行一捺斷

山流海氣半株殘
塢插湖明靈峰占絕
杭州妙翰與韜光得
隱名○又韜光澗道詩
○靈隱入孤峰
菴菴疊翠重僧泉交
竹驛仙屋破雲封綠
暗天俱賢幽寒月不
濃澗橋秋倚處忽一
響山鐘

岫巖山房

李芟號岫巖武林人住靈隱韜光山
下造山房數楹盡駕迴溪絕壑之
上溪殷淙淙出閣下高屋插天古
木蒼蔚大有幽致山人居此孑然
一身好詩與天池徐渭友善客至
則呼僮駕小舫盪槳於西泠斷橋之

從杜元凱
遺金得力

人面俱失
失字妙用
碧便下矣

間笑咏竟日以山石自礫生壙死卽埋之所著有岵
嶺山人詩集四卷天啓甲子余與趙介臣陳章侯顏
敘伯卓阿月余弟平子讀書其中主僧自超國蔬山
藪淡薄淒清但恨名利之心未淨未免唐突山靈至
今猶有媿色

張岱岵嶺山房小記○岵嶺山房偏山偏谿偏韜光
路故無徑不梁無屋不閤門外蒼松傲晚菊以雜
木冷綠萬頃人面俱失石橋低磴可坐十人寺僧
剡竹引泉橋下交交牙牙皆爲竹節天啓甲子余

鍵戶其中者七閤月耳飽谿聲目飽清樾山上下
多西卓鞭笋甘芳無比鄰人以山房爲市蔬果羽
族日致之而獨無魚乃豬谿爲壑繫巨魚數十頭
有客至輒取魚給鮮日晡必出步冷泉亭包圍飛
來峰一日緣谿走看佛像口口罵楊髡見一波斯
胡坐龍象蠻女四五獻花果皆裸形勒石誌之乃
真珈像也余椎落其首并碎諸蠻女置溺溲處以
報之寺僧以余爲椎佛也咄咄怪事及知爲楊髡
皆歡喜讚歎

寫相得處
在語言之
外

徐渭訪李岫巖山人詩○岫巖詩客學全真半日深
山說鬼神送到澗穀無響處歸來明月滿前津七
年火宅三車客

文長被繫七年纔釋

十里荷花兩

槩人兩岸鷗鳬仍似昨就中應有舊相親

王思任岫巖僧舍詩○亂苔膏古蔭慘綠蔽新芊鳥
語皆番異泉心卽佛禪買山應較尺賒月敢辭錢
多少清涼界幽僧抱竹眠

青蓮山房

青蓮山房爲涵所包公之別墅也山房多修竹古梅

此真富貴
則公第中
野處見真
富貴真時
虎到極頭
莫乃真富
貴世何盡
富貴者無
此也

倚蓮花峰跨曲澗深巖峭壁掩映林麓間公有泉石
之癖日涉成趣臺榭之美冠絕一時外以石屑砌墻
柴根編戶富貴之中又着艸野政如小李將軍作丹
青界畫樓臺細畫雖竹籬菲舍無非金碧輝煌也曲
房密室皆儲侍美人行其中者至今猶有香豔當時
皆珠翠團簇錦繡堆成一室之中宛轉曲折環繞盤
旋不能卽出主人於此精思巧構大類迷樓而後人
欲如包公之轂伎滿前則亦兩浙騰紳先生所絕無
者也今雖數易其主而過其門者必曰包氏北庄

牢騷句是
英雄畫不
得心事王
字道破

陳繼儒青蓮山房詩○造園華麗極反欲學邱庄編
戶留柴葉磊牆帶石霜梅根常塞路溪水直穿房
覓主無從入裴回走曲廊○主人無俗態築園見
文心竹暗常疑雨松梵自帶琴牢騷寄叢伎經濟
儲山林久已無常主包庄說到今

呼猿洞

呼猿洞在武林山晉慧理禪師常畜黑白二猿每于
靈隱寺月明長嘯二猿隔岫應之其叢清鰲後六朝
宋時有僧智一倣舊蹟而畜數猿於山臨澗長嘯則

羣猿畢集謂之猿父好事者施食以齋之因建飯猿堂今黑白二猿尚在有高僧住持則或見黑猿或見白猿具德和尚到山則黑白皆見余於方丈作一對送之生公說法雨隨天花莫論飛去飛來頑皮石也會點頭慧理叅禪月明長嘯不問是黑是白野心猿都能會應具和尚在靈隱叢名大著後以徑山佛地謂歷代祖師多出于此徙住徑山事多格迂爲時無幾遂致湮槃方知盛名難居雖在縉流亦不可多取陳洪綬呼猿洞詩○慧理是同鄉白猿供使令以此

後來人十呼十不應○明月在空山長嘯是何意
呼山山自來麾猿猿不去○痛恨遇真伽斧斤殘
怪石山亦悔飛來與猿相對泣○洞黑復幽深恨
無巨靈力余欲鎚碎之白猿當自出

張岱呼猿洞對○洞裏白猿呼不出崖前殘石悔飛
來

三生石

三生石在下天竺寺後東坡圖澤傳曰洛師惠林寺
故光祿卿李愷居第祿山陷東都愷以居守死之子

方知人世
繁絲無迹
於天地之
間

源少時以貴游子豪侈善歌聞於時及愷死悲憤自
誓不仕不娶不食肉居寺中五十餘年寺有僧圓澤
富而知音源與之游甚密促膝交語竟日人莫能測
一日相約遊蜀青城峩眉山源欲自荊州泝峽澤欲
取長安斜谷路源不可曰吾以絕世事豈可復到京
師哉澤默然久之曰行止固不由人遂自荊州路舟
次南浦見婦人錦襦負嬰而汲者澤望而歎曰吾不
欲繇此者爲是也源驚問之澤曰婦人姓王氏吾當
爲之子孕三歲矣吾不來故不得乳今旣見無可逃

者公當以符咒助吾速生三日浴兒時願公臨我以
笑爲信後十三年中秋月夜杭州天竺寺外當與公
相見源悲悔而爲具沐浴易服至暮澤亡而婦乳三
日往覲之兒見源果笑具以語王氏出家財葬澤山
下源遂不果行返寺中問其徒則既有治命矣後十
三年自洛還吳赴其約至所約聞葛洪川畔有牧童
扣角而歌之曰三生石上舊精魂賞月吟風不要論
慙愧情人遠相訪此身雖異性長存呼問澤公健否
會曰李公真信士然俗緣未盡慎弗相近惟勤修不

隋乃復相見又歌曰身前身後事茫茫欲話因緣恐
斷腸吳越山川尋已遍却回煙棹上瞿塘遂去不知
所之後二年李德裕奏源忠臣子篤孝拜諫議大夫
不就竟死寺中年八十一

王元章送僧歸中竺詩○天香閣上風如水千歲巖
前雲似苔明月不期穿樹出老夫曾此聽猿來相
逢五載無書寄却憶三生有夢回鄉曲故人憑問
訊孤山梅樹幾番開

蘇軾贈下天竺惠淨師詩○予去杭十六年而復來

留二年而去平生自覺出處老少粗似樂天雖才
名相遠而安分寡求亦庶幾焉三月六日來別南
北山諸道人而下天竺惠淨師以醜石贈作三絕
句○當年衫鬢兩青青強說重來慰別情衰鬢祇
今無可白故應相對說來生○出處依希似樂天
敢將衰朽較前賢便從洛社休官去猶有閒居二
十年○在郡依前六百日山中不記幾回來還將
天竺一峰去欲把雲根到處栽

上天竺

上天竺晉天福間僧道翊結茆菴於此一夕見毫光發于前澗晚視之得一奇木刻畫觀音大士像後漢乾祐間有僧從黝自洛陽持古佛舍利來置頂上妙相莊嚴端正殊好畫放白光士民崇信錢武肅王常夢白衣人求葺其居寤而有感遂建天竺觀音看經院宋咸平中浙西久旱郡守張去華率僚屬具幡幢華蓋迎請下山而澍雨沾足自是有禱輒應而雨每洶薄不休世傳爛稻龍王焉南渡時施舍珍寶有日月珠鬼谷珠猫睛等雖大內亦所罕見嘉祐中沈文

此亦似此
作

通治郡謂觀音以教聞宣佛力非禪那所居乃以教
易禪令僧元淨號辨才者主之鑿山築室幾至萬礎
治平中郡守蔡襄奏賜靈感觀音殿額辨才乃益鑿
前山開地二十有五尋殿加重簷建成四年元朮入
臨安高宗航海元朮至天竺見觀音像喜之乃載後
車與大藏經并徙而北時有比丘知完者率其徒以
從至燕舍於都城之西南五里曰玉河鄉建寺奉之
天竺僧乃重以他木刻肖前像詭曰藏之井中今方
出現其實併非前像也乾道三年建十六觀堂七年

改院爲寺門扁皆御書慶元三年改天台敎寺元至
元三年燬五年僧慶思重建仍改天竺敎寺元末燬
明洪武初重建萬曆二十七年重修崇禎末年又燬
清初又建時普陀路絕天下進香者皆近就天竺香
火之盛當甲東南二月十九日男女宿山之多殿內
外無下足處與南海潮音寺正等

張京元上天竺小記○天竺兩山相夾迴合若迷山
石俱骨立石間更繞松篁過下竺諸僧鳴鐘肅客
寺荒落不堪入中竺如之至上竺山巒環抱風氣

無題路
好句乃知
作記不在
多辭

甚固望之亦幽致

蕭士瑋上天竺小記○上天竺疊嶂四周中忽平曠
巡覽迎眺驚無歸路余知身之入而不知其所由
入也從天竺抵龍井曲澗茂林處處有之一片雲
神運石風氣道逸神明刻露選石得此亦娶妻得
姜矣泉色紺碧味淡遠與他泉迥異

蘇軾記天竺詩引軾年十二先君自虔州歸謂予言
近城山中天竺寺有樂天親書詩云一山門作兩
山門兩寺原從一寺分東澗水流西澗水南山雲

起北山雲前臺花發後臺見上界鐘鳴下界聞遙
想吾師行道處天香桂子落紛紛筆勢奇逸墨跡
如新今四十七年予來訪之則詩已亡有刻石在
耳感涕不已而作是詩

又贈上天竺辨才禪師詩○南北一山門上下兩
天竺中有老法師瘦長如鶴鵠不知修何行碧眼
照山谷見之自清涼洗盡煩惱毒坐令一都會方
丈禮白足我有長頭兒角頰峙犀玉四歲不知行
抱負煩背腹師來為摩頂起走趨奔騰乃知戒律

中妙用謝羈束何必言法華狎狂啖魚肉

張岱天竺柱對○佛亦愛臨安法像自北朝畱住山
皆學靈鷲洛伽從南海飛來

孫

國鼎字淵

濬

字哲

參訂

西湖夢尋卷三

古劒蝶菴張 代纂著 男

鐸式定

鐸式釐

山陰曲轅王雨謙評定

鐸式貞

西湖中路

秦樓

秦樓初名水明樓東坡建常攜朝雲至此游覽壁上
有三詩為坡公手跡過樓數百武為鏡湖樓白樂天
建宋時宦杭者行春則集柳州亭競渡則集玉蓮亭
登高則集天然圖畫閣看雪則集孤山寺尋常譙客

則集鏡湖樓兵燹之後其樓已廢變爲民居

蘇軾水明樓詩○黑雲翻墨未遮山白雨跳珠亂入
船捲地風來忽吹散望湖樓下水連天○放生魚
鳥逐人來無主荷花到處開水浪能令山俯仰風
帆似與月裴回○未成大隱成中隱可得長閒勝
暫閒我本無家更焉往故鄉無此好湖山

片石居

絲昭慶緣湖而西爲殮秀閣今名片石居閣閣精廬
皆韻人別墅其臨湖一帶則酒樓茶館軒爽向湖非

何處著脂粉
今人益思古人

觀白公蓄意處豈只在游湖

惟心胸開滌亦覺日月清朗張謂畫行不厭湖上山
夜坐不厭湖上月則盡之矣再去則桃花港其上為
石函橋唐刺史李鄴侯所建有水閘泄湖水以入古
蕩沿東西馬塍羊角埂至歸錦橋凡四派焉白樂天
記云北有石函南有笕決湖水一寸可溉田五十餘
頃閘下皆石骨磷磷出水甚急

徐渭八月十六片石居夜泛詞○月倍此宵多楊柳
芙蓉夜色蹉鷗鷺不眠如晝裏舟過向前驚換幾
汀莎 筒酒覓稀荷唱盡塘栖白苧歌天為紅粧

重展鏡如磨漸照胭脂奈褪何

十錦塘

人局可以
無韻一孫
堤便與
明並垂
妙境

十錦塘一名孫堤在斷橋下司禮太監孫隆於萬曆
十七年修築堤闊二丈徧植桃柳一如蘇堤歲月既
多樹皆合抱行其下者枝葉扶蘇漏下月光碎如殘
雪意向言斷橋殘雪或言月影也蘇堤離城遠為清
波孔道行旅甚稀孫堤直達西泠車馬遊人往來如
織兼以兩湖光艷十里荷香如入山陰道上使人應
接不暇湖船小者可入裏湖大者緣堤倚徙繇錦帶

橋循至望湖亭亭在十錦塘之盡漸近孤山湖面寬
殿孫東瀛修葺華麗增築露臺可風可月兼可肆筵
設席笙歌劇戲無日無之今改作龍王堂旁綴數楹
咽塞離披舊景盡失再去則孫太監生祠背山面湖
頗極壯麗近爲盧太監捨以供佛改名盧捨菴而以
孫東瀛像置之佛龕之後孫太監以數十萬金錢裝
塑西湖其功不在蘇學士之下乃使其遺像不得一
見湖光山色幽囚面壁見之大爲鯁悶

袁宏道斷橋望湖亭小記○湖上繇斷橋至蘇堤一

即此說以
杭人未見
西湖亦可

帶綠煙紅霧彌漫二十餘里歌吹爲風粉汗爲雨
羅統之盛多于堤畔之草冶豔極矣然杭人遊湖
止午未申三時其實湖光滌翠之工山嵐設色之
妙全在朝日始出夕春未下始極其濃媚月景尤
不可言花態柳情山容水意別是一種趣味此樂
留與山僧遊客受用安可爲俗士道哉○望湖亭
卽斷橋一帶堤甚工綴比蘇堤猶美夾道種緋桃
垂柳芙蓉山茶之屬二十餘種堤邊白石砌如玉
布地皆軟沙如茵杭人曰此內使孫公所修飾也

此公大是西湖功德主自昭慶天竺靜慈龍井及
山中菴院之屬所施不下數十萬余謂白蘇二公
西湖開山古佛此公異日伽藍也腐儒幾敗乃公
事可厭可厭

張京元斷橋小記○西湖之勝在近湖之易窮亦在
近朝車暮舫徒行緩步人人可游時時可游而酒
多于水肉高于山春時肩摩趾錯男女雜沓以挨
簇爲樂無論意不在山水卽桃杏柳眼自與東風
相倚遊者何曾一着眸子也

李流芳斷橋春望圖題詞○往時至湖上從斷橋一
望僊魂消欲死還謂所知湖之激灩熹微大約如
晨光之著樹明月之入廬蓋山水映發他處卽有
澄波巨浸不及也壬子正月以訪舊重至湖上輒
獨往斷橋裴回終日翊日爲楊誠西題扇云十里
西湖意都來到斷橋寒生梅萼小春入柳絲嬌乍
見應疑夢重來不待招故人知我否吟望正蕭條
又明日作此圖小春四日同孟陽子與夜話題此
譚元春湖霜艸序○予以己未九月五日至西湖不

寓樓閣不舍菴刹而以琴尊書札托一小舟而舟
居之妙有五善。舟人無酬畬一善也。昏曉不爽
其候二善也。訪客登山恣意所如三善也。入斷橋
出西泠午眠夕興四善也。殘客可避時時移棹五
善也。挾此五善以長于湖僧上見下觴止茗生蒿
檝因風漁菱聚火蓋以朝山夕水臨澗對松岸柳
池蓮藏身接友早放孤山晚依寶石足了吾生足
濟吾事矣

王叔果十錦塘詩○橫截平湖十里天錦橋春接六

橋煙芳林花發霞千樹斷岸光分月兩川幾度觴
飛堤外景一清棹發鏡中船奇觀粧點知誰力應
有歌聲被管絃

白居易望湖樓詩○盡日湖亭臥心閒事亦稀起因
殘醉醒坐待晚涼歸松雨飄蘇帽江風透葛衣柳
堤行不厭沙軟絮霏霏

徐渭望湖亭詩○亭上望湖水晶光澹不流鏡寬萬
影落玉港一磯浮寒入沙蘆斷煙生野鷺投若從
湖上望翻羨此亭幽

說盡月下
一班俗子
誰為撈勸
清盛之府
學下界
有添得月
意者如言
還莫令
蟬蛻笑人

張岱西湖七月半記○西湖七月半一無可看止可
看看七月半之人以五類類之其一樓船簫鼓義
冠盛筵燈火優侯嚴光相亂名為看月而實不見
月者看之其一亦船亦樓名娃閨秀攜及童孺笑
啼雜之環坐露臺左右盼望身在月下而實不看
月者看之其一亦船亦歌名妓閒僧淺斟低唱
弱管輕絲竹肉相發亦在月下亦看月而欲人看
其看月者看之其一不舟不車不衫不幘酒醉飯
飽呼羣三五擠入人叢昭慶斷橋嘯嘯雜裝假

醉唱無腔曲月亦看看月者亦看看月者亦看
而實無一看者看之其一小船輕幌淨几煖爐茶
鐺旋煮素瓷靜迺好友佳人邀月同坐或匿影樹
下或逃囂裏湖看月而人不見其看月之態亦不
作意看月者看之杭人遊湖已出西歸避月如避
仇是夕好名逐隊爭出多槁門軍酒錢轎夫擎燎
列俟岸上一入舟速舟子急放斷橋趕入勝會以
故二鼓以前人聲鼓吹如沸如撼如颺如鑿如轟
如啞大船小船一齊湊岸一無所見止見篙擊篙

是許飛鵬
醉月

舟觸舟肩摩肩面看面而已少刻興盡官府席散
皂隸喝道去轎夫叫船上人怖以關門燈籠火把
如列星一一簇擁而去岸上人亦逐隊趨門漸稀
漸薄頃刻散盡矣吾輩始艤舟近岸斷橋石磴始
涼席其上呼客縱飲此時月如鏡新磨山復整粧
湖復頽面向之淺斟低唱者出匿影樹下者亦出
吾輩往通榭氣拉與同坐韻友來妙妓至杯箸安
竹肉發月色蒼涼東方將白客方散去吾輩縱舟
酣睡于十里荷花之中香氣撲人清夢甚愜

孤山

有和靖而孤山不孤
有蝶衣之記而孤山之
和靖又孤山川
重人乎人
重山川乎

水經注曰水黑曰盧不流曰奴山不連陵曰孤梅花
嶼介於兩湖之間四面巖巒一無所麗故曰孤也是
地水望澄明皦焉冲照亭觀繡峙兩湖反景若三山
之倒水下山麓多梅為林和靖放鶴之地林逋隱居
孤山宋真宗徵之不就賜號和靖處士常畜雙鶴養
之樊中逋每泛小艇遊湖中諸寺有客來童子開樊
放鶴縱入雲霄盤旋良久逋必棹艇逆歸蓋以鶴起
為客至之驗也臨終留絕句曰湖外青山對結廬墳

前修竹亦蕭疎茂陵他日求遺稿猶喜曾無封禪書
紹興十六年建四聖延祥觀盡徙諸院刹及士民之
墓獨逋墓詔畱之弗徙至元楊連真伽發其墓唯端
硯一玉簪一明成化十年郡守李端修復之天啓間
有王道士欲于此地種梅千樹雲間張侗初太史補
孤山種梅序

袁宏道孤山小記○孤山處士妻梅子鶴是世間第
一種便宜人我輩只爲有了妻子便惹許多閒事
撇之不得傷之可厭如衣敗絮行荆棘中步步牽

一百五十
皆何難有
一首爲難
耳安得磨
笑和靖

挂近日雷峰下有虞僧儒亦無妻室殆是孤山後
身所著溪上落花詩雖不知於和靖如何然一夜
得百五十首可謂迅捷之極至於食淡叅禪則又
加孤山一等矣何代無奇人哉

張京元孤山小記○孤山東麓有亭翼然和靖故址
今悉編籬插棘諸巨家規種桑養魚之利然亦賴
其稍葺亭榭點綴山容楚人之弓何問官與民也
蕭照画壁○西湖涼堂紹興間所構高宗將臨觀之
有素壁四堵高逾丈中登人促蕭照往繪山水照

好異致

受命卽乞尚方酒四斗夜出孤山每一鼓卽飲一斗盡一斗則一堵已成而醉亦沉醉上至覽之歎賞宣賜金帛

沈守正孤山種梅疏○西湖之上葱蒨親人亦爽朗易盡獨孤山盤鬱重湖之間水石艸木皆有幽色唐時樓閣參差詩歌點綴冠於兩湖讀不雨山常潤無雲水自陰之句猶可想見當時道孤山者不徑西泠必沿湖水不似今從望湖折闌闌而入也此地尚有古梅偃蹇云是和靖故居

李流芳題孤山夜月圖○曾與印持諸兄弟醉後泛
小艇從孤山而歸時月初上新堤柳枝皆倒影湖
中空明摩盪如鏡中復如画中久懷此胸臆壬子
在小築忽爲孟陽寫出真画中矣

蘇軾書林逋詩後○吳儂生長湖山曲呼吸湖光飲
山淥不論世外隱君子傭兒販婦皆冰玉先生可
是絕俗人神清骨冷無由俗我不識見曾夢見腫
子瞭然光可燭遺篇妙字處處有步繞西湖看不
足詩如東野不言寒書似西臺差少肉平生高節

已難繼將死微言猶可錄自言不作封禪書更肯
悲吟白頭曲我笑吳人不好事好作祠堂傍修竹
不然配食水仙王一盞寒泉薦秋菊

張祐孤山詩○樓臺聳碧岑一逕入湖心不雨山常
潤無雲水自陰斷橋荒蘚合空院落花深猶憶西
牕月鐘聲出北林

徐渭孤山玩月詩○湖水澹秋空練色澄初靜倚棹
數中流幽然適吾性舉酒忽見月光與波相映西
子拂澹粧遙嵐挂孤鏡座客本玉姿照耀几筵瑩

想見卓侍
郎孤高
切

夏時吐高懷四座盡傾聽却言處士疎徒抱梅花
詠如以徑寸魚蹄泠卽成泳論久興彌洽返棹堤
逾迥自顧縱清談何嫌麾塵柄

卓敬孤山種梅詩○風流東閣題詩客瀟灑西湖處
士家雪冷江深無夢到自鋤明月種梅花

王穉登贈林純卿卜居孤山詩○藏書湖上屋三間
松映軒牕竹映闥引鶴過橋看雪去送僧歸寺帶
雲還輕紅荔子家千里疎影梅花水一灣和靖高
風今已遠後人猶得住孤山

陳鶴題孤山林隱君祠詩○孤山春欲半猶及見梅
花笑踏王孫草閒尋處士家塵心瑩水鏡野服映
山霞巖壑長如此榮名豈足誇

王思任孤山詩○淡水濃山畫裏開無船不署好樓
臺春當花月人如戲煙入湖燈般亂催萬事賢愚
同一醉百年修短未須哀只憐逋老栖孤鶴寂莫
寒籬幾樹梅

張岱補孤山種梅敘○蓋閩地有高人品格與山川
並重亭遺古跡梅花與姓氏俱香名流雖以代遷

年：帶水
雪：雪

勝事自須人補在昔西泠逸老高潔韻同秋水孤
清操比寒梅疎影橫斜遠映西湖清淺暗香浮動
長陪夜月黃昏今乃人去山空依然水流花放瑤
葩灑雪亂飄冢上苔痕玉樹迷煙恍隨林間鶴羽
茲來韻友欲步前賢補種千梅重修孤嶼凌寒三
友蚤連九里松篁破臘一枝遠謝六橋桃柳佇想
水邊半樹點綴冰花待將雪後橫枝低昂鐵幹美
人來自林下高士臥於山中白石蒼崖擬築艸亭
招放萑濃山淡水閒鋤明月種梅花有志竟成無

溫乎仙矣
非和靖則
不得此對

約不踐將與羅浮爭豔還期庾嶺分香實為林處
士之功臣亦是蘇長公之勝友吾輩常勞夢想應
有宿緣哦曲江詩曲江張九齡
有庭梅永便見孤芳風韻讀
廣平賦尚思鐵石心腸共策瀟水之驢且向斷橋
踏雪遙瞻漆園之蝶羣來林墓尋梅莫負佳期用
追芳躅

張岱林和靖墓柱銘○雲出無心誰放林間雙雀月
明有意卽思冢上孤梅

關王廟

正論亦快
論

北山兩關王廟其近岳墳者萬曆十五年爲杭民施如忠所建如忠客燕涉路河颶風作舟將覆恍惚見王率諸河神拯救獲免題卽造廟祀之并祀諸河神冢宰張瀚記之其近孤山者舊祠卑隘萬曆四十二年金中丞爲導首鼎新之太史董其昌手書碑石記之其詞曰西湖列剎相望梵宮之外其合於祭法者岳鄂王于少保與關神而三爾甲寅秋神宗皇帝夢感聖母中夜傳詔封神爲伏魔帝君易兜鍪而袞冕易大纛而九旂五帝同尊萬靈受職視操懿恭溫偶

姦大物生稱賊臣死隋下鬼何啻天淵顧舊祠耿隘
不稱詔書播告之意金中丞父子爰議鼎新時維導
首得孤山寺舊址度材壘土勒牆墉莊像設先後三
載而落成中丞以余實倡議屬余記之余攷孤山寺
且名永福寺唐長慶四年有僧刻法華於石壁會元
徵之以守越州道出杭而杭守白樂天爲作記有九
諸侯率錢助工其盛如此成毀有數金石可磨越數
百年而祠帝君以釋典言之則舊寺非所謂現天大
將軍身而今祠非所謂現帝釋身者耶至人舍其生

而生在殺其身而身存孔曰成仁孟曰取義與法華
一大事之旨何異也彼謂忠臣義士猶待坐蒲團修
觀行而後了生死者妄矣然則石壁歸然而石經初
未泐也頃者四川藏叛神爲助力事達宸聰非同語
怪惟遠西黠酋尚緩天誅帝君能報曹而有不報神
宗者乎左挾鄂王右挾少保驅雷部擲火鈴昭陵之
鐵馬嘶風蔣廟之塑兵濡露諒盡魔皆如蜀道矣先
是金中丞撫閩藉神之告屢殲倭夸上功盟府故建
祠之費視衆壘鉅蓋有夙願云寺中規制精雅廟貌

堂
莊嚴兼之碑碣清華柱聯工確一以文理為之較之
施廟其雅俗真隔霄壤

董其昌孤山關王廟柱銘○忠能擇主鼎足分漢室
君臣德必有鄰把臂呼岳家父子

宋兆禴關帝廟柱聯○從真英雄起家直叅聖賢之
位以大將軍得度再現帝王之身

張岱關王廟柱對○統系讓偏安當代天王歸漢室
春秋明大義後來夫子屬關公

蘇小小墓

蘇小小者南齊時錢塘名妓也貌絕青樓才空士類
當時莫不豔稱以年少早卒葬於西泠之塢芳魂不
歿徃徃花間出現宋時有司馬槲者字才仲在洛下
夢一美人褰帷而歌問其名曰西陵蘇小小也問歌
何曲曰黃金縷後五年才仲以東坡薦舉爲秦少章
幕下官因道其事少章異之曰蘇小之墓今在西泠
何不酹酒弔之才仲徃尋其墓拜之是夜夢與同寢
曰妾願酬矣自是幽昏三載才仲亦卒於杭葬小小
墓側

妙絕風韻
司馬才仲
故宜以一
身殉之

西陵蘇小小詩○妾乘油壁車郎跨青驄馬何處結
同心西陵松栢下○又詞○妾本錢塘江上住花
落花開不管流年度燕子啣將春色去紗牕幾陣
黃霉雨斜插玉梳雲半吐檀板輕敲唱徹黃金
縷夢斷彩雲無覓處夜涼明月生南浦

李賀蘇小小詩○幽蘭露如啼眼無物結同心煙花
不堪剪草如茵松如蓋風爲裳水爲珮油壁車久
相待冷翠燭勞光彩西陵下風吹雨

沈原理蘇小小歌○歌聲引迴波舞衣散秋影夢斷

何其酷似
李賀

別青樓千秋香骨冷青銅鏡裏雙飛鸞
饑鳥弔月啼勾欄風吹墊火火不滅
山妖笑入狐狸穴西陵墓下錢塘潮
潮來潮去夕復朝墓前楊柳不堪折
春風自綰同心結

元遺山題蘇小像○槐陰庭院宜清晝
簾捲香風透美人圖画阿誰留
宣和名筆內家收鶯鶯燕燕分飛後
粉淺梨花瘦只除蘇小不風流
斜插一枝萱州鳳釵頭

徐渭蘇小小墓詩○一杯蘇小是耶非
繡口花腮爛

舞衣自古佳人難再得從今比翼罷雙飛薤邊露
眼啼痕淺松下同心結帶稀恨不顛狂如大阮欠
將一曲勸兵圍

陸宣公祠

孤山何以祠陸宣公也蓋自陸少保炳爲世宗乳母
之子攬權怙寵自謂系出宣公創祠祀之規制宏厥
吞吐湖山臺榭之盛槩湖無比炳以勢焰見有美產
卽思攫奪傷有故錦衣王佐別墅壯麗其孽子不肖
炳乃羅織其罪勒以獻產捕及其母故佐妾也對簿

此魁涸清
稽之雄亦

是晨上捧
鳴

人可不以
名賢自待

卷三

三

時子強辨母膝行前道其子罪甚詳子泣謂母忍陷其死也母叱之曰死卽死尚何說指炳座顧曰而父坐此非一日作此等事亦非一日而生汝不肖子天道也汝死猶晚炳頰發赤趣遣之出弗終奪炳物故祠沒入官以名賢得不廢隆慶間御史謝廷傑以其祠後增祀兩浙名賢益以嚴光林逋趙抃王十朋呂祖謙張九成楊簡宋濂王琦章懋陳選會稽進士陶允宜以其父陶大臨自製牌版令人匿之懷中竊置其傍時人笑其癡孝

初彪佳陸宣公祠詩○東坡佩服宣公疏俎豆西泠
蘋藻香泉石蒼涼存意氣山川開滌見文章画工
界畫增金碧廟貌蒼莪見商皇陸炳湖頭誇勢焰
崇韜乃敢認汾陽

六一泉

六一泉在孤山之南一名竹閣一名勤公講堂宋元
祐六年東坡先生與會勤上人同哭歐陽公處也勤
上人講堂初搆闕地得泉東坡爲作泉銘以兩人皆
列歐公門下此泉方出適哭公訃名以六一猶見公

間於民事求人於湖山間而不可得則徃從勤乎
予到官三日訪勤於孤山之下抵掌而論人物曰
六一公天人也人見其暫寓人間而不知其乘雲
馭風歷五岳而跨滄海也此邦之人以公不一來
為恨公麾斥八極何所不至雖江山之勝莫適為
主而奇麗秀絕之氣常為能文者用故吾以為西
湖蓋公几案間一物耳勤語雖怪幻而理有實然
者明年公薨予哭於勤舍又十八年予為錢塘守
則勤亦化去久矣訪其舊居則弟子二仲在焉画

瞻茲勝地實在名邦勤上人於此幽栖蘇長公因之
數至跡分縑素同登歐子之門誼重死生會哭孤山
之下惟精誠有感通之理故山嶽出迎勞之泉名事
表於懷賢忱式昭於薦菊雖存古迹必肇新祠此舉
非爲福田實欲共成勝事儒冠僧衲請恢雅量以相
成山色湖光行與高峰而共遠願言樂助毋誚濫等
蘇軾六一泉銘○歐陽文忠公將老自謂六一居士
子昔通守錢塘別公於汝陰而南公曰西湖僧慧
勤甚文而長於詩吾昔爲山中樂三章以贈之子

也其徒作石屋覆泉且刻銘其上南渡高宗爲康王
時常使金夜行見四巨人執斧前驅登位後問方士
乃言紫薇垣有四大將曰天蓬天猷翊聖真武帝思
報之遂廢竹閣改延祥觀以祀四巨人至元初世祖
又廢觀爲帝師祠泉沒于二氏之居二百餘年元季
兵火泉眼復見但石屋已圯而泉銘亦爲鄰僧昇去
洪武初有僧名行昇者鋤荒條垢圖復舊觀仍樹石
屋且求泉銘復于故處乃欲建祠堂以奉祀東坡勤
上人以參寥故事力有未逮教授徐一夔爲作疏曰

公與勤像事之如生舍下舊無泉予未至數月泉
出講堂之後孤山之趾汪然溢流甚白而甘卽其
地鑿巖架石爲室二仲謂師聞公來出泉以相勞
苦公可無言乎乃取勤舊語推本其意名之曰六
一泉且銘之曰泉之出也去公數千里後公之沒
十八年而名之曰六一不幾於誕乎曰君子之澤
豈獨五世而已蓋得其人則可至於百傳常試與
子登孤山而望吳越歌山中之樂而飲此水則公
之遺風餘烈亦或見於此泉也

白居易竹閣詩○晚坐松簷下宵眠竹閣間清虛當
服藥幽獨抵歸山巧未能勝拙忙應不及閒無勞
事修煉只此是玄關

葛嶺

葛嶺者葛仙翁稚川修仙地也仙翁名洪號抱朴子
句容人也從祖葛玄學道得仙術傳其弟子鄭隱洪
從隱學盡得其秘上黨鮑玄妻以女咸和初司徒導
召補主簿于寶薦爲大著作皆固辭聞交趾出丹砂
獨求爲勾漏令行至廣州刺史鄭巖留之乃煉丹于

羅浮山中如是者積年一日遺書嶽曰當遠遊京師
尅期便發嶽得書狼狽徃別而洪坐至日中兀然若
睡卒年八十一舉尸入棺輕如蟬蛻世以爲尸解仙
去智果寺西南爲初陽臺在錦塢上仙翁修煉于此
臺下有投丹井今在馬氏園宣德間大旱馬氏甃井
得石匣一石瓶四匣固不可啓瓶中有丸藥若芡實
者啗之絕無氣味乃棄之施漁翁獨啖一枚後年百
有六歲浚井後水遂淤惡不可食以石匣投之清冽
如故

祁豸佳葛頴詩○抱朴遊仙去有年如何姓氏至今
傳釣臺千古高風在漢鼎雖遷尚姓嚴○勾漏靈
砂世所稀攜來烹煉作刀圭若非漁子年登百幾
使還丹變井泥○平章甲第半湖邊日日笙歌入
畫船循州一去如煙散葛頴依然還稚川○葛嶺
孤山隔一丘昔年放鶴此山頭高飛莫出西山缺
嶺外無人勿久畱

蘇公堤

杭州有西湖頴上亦有西湖皆爲名勝而東坡連守

以兩西湖
供一東坡
故屬風韻
微名

二郡其初得穎穎人云內翰只消遊湖中便可以了
公事秦太虛因作一絕云十里荷花菡萏初我公身
至有西湖欲將公事湖中了見說官閒事亦無後東
坡到穎有謝執政啓云入衆兩禁每玷北扉之榮出
典二邦迭爲西湖之長故其在杭請濬西湖聚葑泥
築長堤自南之北橫截湖中遂名蘇公堤夾植桃柳
中爲六橋南渡之後鼓吹樓船頗極華麗後以湖水
漱齧堤漸凌夸入明成化以前裏湖盡爲民業六橋
水流如綫正德三年郡守楊孟瑛開之西抵北新堤

爲界增益蘇堤高二丈濶五丈三尺增建裏湖六橋
列種萬柳頓復舊觀久之柳敗而稀堤亦就圯嘉靖
十二年縣令王鉞令犯罪輕者種桃柳爲贖紅紫燦
爛錯雜如錦後以兵火砍伐殆盡萬曆二年鹽運使
朱炳如復植楊柳又復燦然迨至崇禎初年堤上樹
皆合抱太守劉夢謙與士夫陳生甫輩時至二月作
勝會於蘇堤城中括羊角燈紗燈幾萬盞徧挂桃柳
樹上下以紅氍毹鋪地冶童名妓縱飲高歌夜來萬蠟
齊燒光明如晝湖中遙望堤上萬蠟湖影倍之簫管

西湖如西
子如夫差
便受享西
子不得

笙歌沉沉昧旦傳之京師太守鑄級因想東坡守杭
之日春時每遇休暇必約客湖上蚤食於山水佳處
飯畢每客一舟令隊長一人各領數妓任其所之晡
後鳴鑼集之復會望湖亭或竹閣極歡而罷至一二
鼓夜市猶未散列燭以歸城中士女夾道雲集而觀
之此真曠古風流熙世樂事不可復追也已

張京元蘇堤小記○蘇堤度六橋堤兩旁盡種桃柳
蕭蕭搖落想二三月柳葉桃花遊人闐塞不若此
時自爲清勝

李流芳題兩峰罷霧圖曰三橋龍王堂望西湖諸山
頗盡其勝煙林霧障映帶層疊淡描濃抹頃刻有
態非董巨妙筆不足以發其氣韻余在小築時呼
小舟槩至堤上縱步看山領略最多然動筆便不
似甚矣氣韻之難言也予友程孟陽湖上題畫詩
云風堤露堦欲分明閣雨縈陰雨未成我試畫君
團扇上船牕含墨信風行此景此詩此人此画俱
屬可想癸丑八月清暉閣題

蘇軾築堤詩○六橋橫截天漢上北山始與南屏通

忽驚二十五萬丈老葑席捲蒼煙空○昔日珠樓
擁翠鈿女牆猶在艸芊芊東風第六橋邊柳不見
黃鸝見杜鵑

又詩○惠勤惠思皆居孤山蘇子倅郡以臘日訪
之作詩云天欲雪時雲滿湖樓臺明滅山有無水
清石出魚可數林深無人鳥相呼臘月不歸對妻
孥名尋道人實自娛道人之居在何許寶雲山前
路盤紆孤山孤絕誰官廬道人有道山不孤紙牕
竹屋深自煖擁褐坐睡依團蒲天寒路遠愁僕夫

樽眼亦不
易青
笑倒一縣
俗人

整駕催歸及未晡出山回望雲水合但見瑩鶴盤
浮屠茲遊澹泊歡有餘到家恍如夢蘧蘧作詩火
急追亡逋清景一失後難摹

王世貞泛湖度六橋堤詩○拂檻鶯啼出谷頻長堤
天矯跨蒼旻六橋天闊爭虹影五馬廳開散麴塵
碧水乍搖如轉盼青山初沐競舒輦莫輕楊柳無
情思誰是風流白舍人

李鑑龍西湖詩○花柳曾聞暗六橋近來遊舫甚蕭
條折殘画閣堤邊失倒入山光波上搖秋水湖心

眸一點夜潭增影黛雙描蘭亭感慨今移此癡對
雷峰話寂寥

湖心亭

湖心亭舊爲湖心寺湖中三壙此其一也明弘治間
按察司僉事陰子淑秉憲甚厲寺僧怙鎮守中官杜
門不納官長陰廉其姦事毀之併去其壙嘉靖三十
一年太守孫孟尋遺跡建亭其上露臺畝許周以石
欄湖山勝槩一覽無遺數年尋圯萬曆四年僉事徐
廷祿重建二十八年司禮監孫東瀛改爲清喜閣金

碧輝煌規模壯麗遊人望之如海市蜃樓煙雲吞吐
恐滕王閣岳陽樓俱無其偉觀也春時山景賡羅書
畫骨董盈砌盈堦喧闐擾攘殷息不辨夜月登此間
寂淒涼如入鮫宮海藏月光晶沁水氣滃之人稀地
僻不可久留

張京元湖心亭小記○湖心亭雄麗空闊時晚照在
山倒射水面新月挂東所不滿者半規金盤玉餅
與夕陽彩翠重輪交網不覺狂叫欲絕恨亭中四
字匾隔句對聯填楣盈棟安得借咸陽一炬了此

業障

此老興復
不淺

敘得妙

愛風雪自
當具耐寒
骨力

張岱湖心亭小記○崇禎五年十二月余住西湖犬
雪三日湖中人鳥聲俱絕是日更定矣余拏一小
舟擁毳衣爐火獨往湖心亭看雪霧凇沆砀天與
雲與山與水下一白湖上影子惟長堤一痕湖
心亭一點與余舟一芥舟中人兩三粒而已到亭
上有兩人鋪氊對坐一童子燒酒鑪正沸見余大
驚喜曰湖中焉得更有此人拉與同飲余強飲三
大白而別問其姓氏是金陵人客此及下船舟子

古者令太史陳詩以觀民風如此一柱銘安得不採

此與蘇作第以風致麻讓胡一

喃喃曰莫說相公癡更有癡似相公者

胡來朝湖心亭柱銘○四季笙歌尚有窮民悲夜月
六橋花柳渾無隙地種桑麻

鄭燁湖心亭柱銘○亭立湖心儼西子載扁舟雅稱
雨奇晴好席開水面恍東坡遊赤壁偏宜月白風
清

張岱清喜閣柱對○如月當空偶以微雲點河漢在
人爲目且將秋水剪瞳神

放生池

觀放生池
之魚正以
不得即死
為苦而乃

宋時有放生碑在寶石山下蓋天禧四年王欽若請
以西湖為放生池禁民網捕郡守王隨為之立碑也
今之放生池在湖心亭之南外有重堤朱欄屈曲橋
跨如虹草樹蓊翳尤更岑寂古云三潭印月即其地
也春時遊舫如鶩至其地者百不得一其中佛舍甚
精複閣重樓迷禽閣日威儀肅潔器鉢無殼但恨魚
牢幽閉漲膩不流剝璫缺鱗頭大尾瘠魚若能言其
苦萬狀以理揆之孰若縱容開樊聽其游泳則物性
自遂深恨俗僧難與解釋耳昔年余到雲栖見雞鵝

人：以爲
功德

語、爲魚
所欲言讀
此何用念
佛

豚茹共牢饑餓日夕挨擠隨水死者不計其數余向
蓮池師再肆疏說亦謂未能免俗聊復爾爾後見兔
鹿獬獬亦受禁鎖余曰雞鳧凡殺皆藉食於人若兔
鹿獬獬放之山林皆能自食何苦鎖禁待以胥靡蓮
師大笑悉爲撒禁聽其所之見者大快

陶望齡放生池詩○介盧曉牛鳴冶長識雀歲吾願
天耳通達此音殷類羣魚泣妻妾雞鶩呼弟妹不
獨死可哀生離亦可慨閩語旣嬰咿吳聽了難會
寧聞閩人肉忍作吳人膾可憐登陸魚噉喁向人

此爲有用
文章

評人曰魚口瘡魚言人耳背何嘗被網羅施之以
無畏○昔有二勇者操刀相與酤曰子我肉也奚
更求食乎互割還互噉彼盡我亦屠食彼同自食
舉世嗤其愚還語血食人有以異此無

吳越王錢鏐於西湖上稅漁名使宅魚一日羅隱入
謁壁有罇谿垂釣圖王命題之題云呂望當年展
廟謨直釣釣國又何如假令身住西湖上也是應
供使宅魚王卽罷漁稅

放生池柱對○天地一網罟欲度衆生誰解脫飛潛

皆性命但存此念卽菩提

醉白樓

杭州刺史白樂天嘯傲湖山時有野客趙羽者湖樓
最暢樂天常過其家痛飲竟日絕不分官民體羽得
與樂天通往來索其題樓樂天卽顏之曰醉白在葑
家埠今改吳庄一松蒼翠飛帶如虬大有古色真數
百年物當日白公想定盤礴其下

倪元璐醉白樓詩○金沙深處白公堤太守行春信
馬蹄冶豔桃花供祇應迷離煙柳藉提攜閒時風

先生詩多
鈎棘此又
以平易取
奇

此大婦
能吸醋五
斗

月爲常主到處鷗鳬是小侯
野老偶然同一醉山樓何必更畱題

小青佛舍

小青廣陵人十歲時遇老尼口授心經一過成誦尼
曰是兒早慧福薄乞付我作弟子母不許長好讀書
解音律善奕棋誤落武林富人爲其小婦大婦奇妒
凌偏萬狀一日攜小青往天竺大婦曰西方佛無量
乃世獨禮大士何耶小青曰以慈悲故耳大婦笑曰
我亦慈悲若乃匿之孤山佛舍令二尼與俱小青無

此際只合
次影相語
正亦牢騷
之極

焚圖猶可
焚及詩則
再謂當人
初不愛詩
何必及此

如此人那
可使讀杜
詩

事輒臨池自照好與影語絮絮如問畬人見輒止故
其詩有瘦影自臨春水照卿須憐我我憐卿之句後
病瘵絕粒日飲梨汁少許奄奄待盡乃呼畫師寫照
更換再三都不謂似後畫師注視良久匠意妖纖乃
曰是矣以梨酒供之榻前連呼小青小青一慟而絕
年僅十八遺詩一帙大婦聞其死立至佛舍索其圖
并詩焚之遽去

小青拜慈雲閣詩○稽首慈雲大士前莫生西土莫
生天願將一滴楊枝水灑作人間並蒂蓮

又拜蘇小小墓詩○西泠芳艸綺鄰鄰內信傳來喚
踏青杯酒自澆蘇小小墓可知妾是意中人

孫

濂字清

瀚字濂

參訂

西湖夢尋卷三終